

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini („Službeni glasnik BiH“, br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju (“Službeni glasnik BiH”, broj 2/05) i člana 49. stav (7) Pravilnika o licencama – prečišćeni tekst (“Službeni glasnik BiH”, broj 63/16), Državna regulatorna komisija za električnu energiju, na sjednici održanoj 11. oktobra 2017. godine, donijela je

## **ODLUKU O NASTAVKU KORIŠTENJA LICENCE**

1. Društvo *PROENERGY, d.o.o. Sarajevo*, sa sjedištem u Sarajevu, u Ulici Tešanjaska 24a, vlasnik licence za obavljanje djelatnosti međunarodne trgovine električnom energijom, registracijski broj: 05-28-12-305-17/14 od 25. februara 2015. godine, nastavlja sa korištenjem ranije dodijeljene licence pod nazivom: *PROENERGY, d.o.o.*, sa sjedištem u Mostaru, Bišće polje bb, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u “Službenom glasniku BiH” i službenim glasilima entiteta.

### **Obrazloženje**

Društvo *PROENERGY, d.o.o. Sarajevo*, sa sjedištem u Sarajevu, u Ulici Tešanjaska 24a, vlasnik je licence za obavljanje djelatnosti međunarodne trgovine električnom energijom koja mu je izdata Odlukom Državne regulatorne komisije za električnu energiju (u daljem tekstu: DERK), broj: 05-28-12-305-17/14 od 25. februara 2015. godine, na period od 28. marta 2015. godine do 27. marta 2020. godine.

Vlasnik licence je aktom od 15. septembra 2017. godine, zavedenim pod brojem: 05-28-12-304-1/17, prijavio DERK-u promjenu sjedišta društva, sa traženjem da se ovi podaci izmijene u službenim evidencijama.

Prijava izmijenjenih podataka potkrijepljena je i odgovarajućom dokumentacijom zavedenom pod istim brojem, te je uvidom u Rješenje o izmjenama podataka Općinskog suda u Mostaru, broj Tt-O-569/17 od 6. septembra 2017. godine, utvrđeno da su u sudski registar pomenutog Suda upisani podaci o novom sjedištu društva.

Postupak registracije promijenjenih podataka o istom subjektu u odgovarajućem registru vlasnika dozvole za obavljanje djelatnosti snabdijevanja električnom energijom - dozvole II reda, okončan je kod Regulatorne komisije za energiju u Federaciji BiH.

Imajući u vidu da se, shodno Pravilniku o licencama, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je na osnovu člana 49. stav (7) Pravilnika o licencama donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-304-2/17

Predsjedavajući Komisije

11. oktobar 2017. godine

Tuzla

Nikola Pejić